



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-466-8/23**
Datum: **13.03.2024.godine**

«Agencija za vodno područje rijeke Save» Sarajevo rješavajući po zahtjevu pravnog lica KJP „Poljoprivredno dobro Butmir” d.o.o. Ilidža, Sarajevo, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Doglodi, općina Ilidža, Sarajevo, na osnovu člana 109. stav (1) tačka 2 i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE o vodnoj dozvoli

1. Pravnom licu KJP „Poljoprivredno dobro Butmir” d.o.o. Ilidža, Sarajevo, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Doglodi, općina Ilidža, Sarajevo, na zemljištu označenom kao k.č. 693/1 i 693/2 K.O. Doglodi.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu i u skladu sa priloženim dinamičkim planom, pod slijedećim uslovima:
 - 3.1. Da pravno lice KJP „Poljoprivredno dobro Butmir” d.o.o. Ilidža, Sarajevo, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu rada farme muznih krava sa pratećim objektima, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se do 30.11.2024. godine izvrši nabavka i ugradnja mastolova na II fazi- tretman tehnoloških otpadnih voda koje nastaju od pranja prostora u kome u cisterne za mlijeko i opreme za mužu u skladu sa projektnom dokumentacijom.
 - 3.3. Da se do 30.06.2025. godine izradi projektna dokumentacija koja će obraditi tehničko rješenje za skladištenje krutog otpada (đubrenka) sa svim potrebnim proračunima, grafičkim prilogima i tehničkim opisom a koja bi obezbijedila zrenje krutog otpada/đubriva prije konačne dispozicije đubriva na poljoprivredne površine kao i da se spriječi nekontrolisano rasipanje tečnog i krutog otpada po okolnom zemljištu.
 - 3.4. Da se 30.11.2025. godine izvedu radovi prema projektnoj dokumentaciji iz tačke 3.3. ovog Rješenja koja treba biti urađena od strane ovlaštene firme.
 - 3.5. U toku izvođenja svih radova na predmetnoj lokaciji osigurati nadzor nad izvođenjem istih.
 - 3.6. Nakon izvedenih radova izraditi Projekat izvedenog stanja sistema prikupljanja, tretmana i ispuštanja otpadnih voda sa lokaliteta kompleksa KJP „Poljoprivredno dobro Butmir” d.o.o. Ilidža.

- 3.7. Čišćenje postrojenja za tretman otpadnih voda i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju.
- 3.8. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24). Rezultate analiza dostaviti ovoj Agenciji.

Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.10. Ukoliko Vlada kantona propiše dodatne (strožije) uvjete od uvjeta definisanih članom 21. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.11. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarnе zaštite vode za piće, a u cilju zaštite podzemnih i površinskih voda.
- 3.12. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.13. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.14. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.15. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.16. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.17. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i

03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.

5. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
6. U periodu važenja ove dozvole, korisnik predmetnog objekta, KJP „Poljoprivredno dobro Butmir” d.o.o. Ilidža, je dužan provoditi sve mjere i aktivnosti propisane istom.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
9. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
10. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
11. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24) sa rokom važenja do 30.06.2026. godine uz uslov da se aktivnosti obuhvaćene tačkom 3. dispozitiva rješenja u cjelosti poštuje.
12. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
13. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice KJP „Poljoprivredno dobro Butmir” d.o.o. Ilidža, Sarajevo, zahtjevom broj 03-3-76/23 od 20.10.2023 godine se obratilo ovoj Agenciji za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Doglodi, Ilidža, Sarajevo, na zemljištu označenom kao k.č. 693/1 i 693/2 K.O. Doglodi.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 065-0-RegZ-23-012845 od 23.11.2023. godine, izdatog od strane Općinskog suda u Sarajevu-ovjerena kopija,
- Uvjerenje o poreznoj registraciji izdato 28.02.2014.godine, od strane Porezne uprave – Kantonalni ured Sarajevo -ovjerena kopija,
- Ovjerena kopija uvjerenja o poreskoj registraciji, broj: 04/1-17-1-UPJR/1-2909/14 od 06.05.2014. godine, izdato od strane Uprave za indirektno- oporezivanje Banja Luka,
- Rješenje o vodnoj dozvoli broj: UP-I/25-3-40-166-6/19 od 19.06.2019. godine izdato od strane Agencije za vodno područje rijeke Save, Sarajevo,
- Rješenje o izmjenama rješenja o vodnoj dozvoli broj: UP-I/25-3-40-166-8/19 od 10.05.2021. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: 07-05-21-16710/21 od 18.04.2022 godine izdato od strane Ministarstva

- Kopija uplatnice administrativne takse,
- Mišljenje o okolinskoj dozvoli broj: 05-19-42697/21 od 29.11.2021 godine, izdato od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, – kopija,
- Ugovor o prevozu i neškodljivom uklanjanju leševa životinja broj: 03-2-51/2023 od 28.08.2023 godine, zaključen sa KJKP „RAD“ d.o.o. Sarajevo,
- Ugovor o odlaganju, pružanju i neškodljivom uništavanju medicinskog otpada broj: 03-2-73/2023 od 17.12.2023 godine sklopljen sa pravnim licem „Aida Commerce“ d.o.o. Sarajevo,
- Odgovor broj 3753/22 od 16.06.2022 godine o priključenju otpadnih voda na gradski kanalizacioni sistem dato od strane pravnog lica KJKP „Vodovod i kanalizacija“ d.o.o. Sarajevo,
- Akti broj 2490 od 19.07.2021 godine i broj 3256 od 26.05.2022 godine upućeni od strane KJP „PD Butmir“ d.o.o. Ilidža, Sarajevo prema KJKP „Vodovod i kanalizacija“ d.o.o. Sarajevo,
- Akti broj: 717/22 od 25.04.2022 godine i broj: 5377/21 od 31.08.2021 godinu upućeni od strane KJKP „Vodovod i kanalizacija“ d.o.o. Sarajevo prema KJP „PD Butmir“ d.o.o. Ilidža, Sarajevo,
- Odluka o utvrđivanju javnog interesa za dodjelu koncesije za eksploataciju podzemne pitke vode iz bunara B-1 broj 02-05-30342-7/18 od 23.08.2018 godine donesena od strane Vlade Kantona Sarajevo (u zahtjevu UP-I/25-3-40-166-1/19,
- Rješenje o odobrenju za građenje broj: 03-23-3606/18 od 11.07.2018. godine izdato od strane Službe za prostorno uređenje Općina Ilidža,
- Godišnji izvještaj o monitoringu kvaliteta i kvantiteta otpadnih voda KJP „Poljoprivredno dobro Butmir“ d.o.o. Ilidža, Sarajevo, za 2022. godinu, urađen od strane „Dvokut-pro“ d.o.o. Sarajevo, decembar 2022. godine,
- Izvještaj o monitoringu kvaliteta i kvantiteta otpadnih voda KJP „Poljoprivredno dobro Butmir“ d.o.o. Ilidža, Sarajevo, urađeni od strane „Dvokut-pro“ d.o.o. Sarajevo avgust 2023 godina,
- Izvještaj o rezultatima ispitivanja tereta zagađenja otpadnih voda KJP „Poljoprivredno dobro Butmir“ d.o.o. Ilidža, urađen od strane „Dvokut-pro“ d.o.o. Sarajevo, mart 2022. Godine,
- Ovjeren Dinamički plan aktivnosti za rješavanje prikupljanja, tretmana i odvodnje otpadnih voda na lokaciji KJP „Poljoprivredno dobro Butmir“ d.o.o. Ilidža, Sarajevo

B. Tehnička dokumentacija

- Glavni projekat odvodnje tehnoloških otpadnih i oborinskih voda u KJP „PD Butmir“ d.o.o. Ilidža, Sarajevo urađen od strane „Institut za hidrotehniku“ d.o.o. Sarajevo, januar 2017. godine CD-ostaje u spisu,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-466-6/23 od 05.03.2024. godine.

Uvidom u dostavljenu dokumentaciju, izvršenim uviđajem na licu mjesta i priloženim dinamičkim planom može se konstatovati sljedeće:

Pravno lice KJP „Poljoprivredno dobro Butmir“ d.o.o. Ilidža, Sarajevo. je posjedovalo Rješenje o vodnoj dozvoli broj: UP-I/25-3-40-166-6/19 od 19.06.2019. godine i Rješenje o izmjeni rješenja o vodnoj dozvoli broj: UP-I/25-3-40-166-8/19 od 10.05.2021. godine sa rokom važenja do 19.12.2023 godine.

U periodu važenja navedenog Rješenja o vodnoj dozvoli nije bilo promjena u tehničko-tehnološkom pogledu, pogledu aktivnosti i kapaciteta na predmetnoj farmi.

Prilikom uviđaja na terenu utvrđeno je da podnosilac zahtjeva je završio određen broj aktivnosti navedenih u dinamičkom planu a koji su uticali na smanjenje zagađenja voda, izvršio je instalaciju uređaja za tretman otpadnih voda i priključenje istih na gradski kanalizacioni sistem.

Prilikom uviđaja na terenu utvrđeno je da uslovi u navedenom Rješenju nisu ispunjeni a odnosi se na:

- Nije izvršena izgradnja postrojenja za prečišćavanje otpadnih voda koje nastaju u objektu za prikupljanje mlijeka od pranja opreme i laktofriza.

Takođe je utvrđeno da na predmetnoj lokaciji nije izgrađen objekat za prikupljanje krutog otpada (đubrenka) koja bi obezbijedila zrenje krutog otpada/đubriva prije konačne dispozicije đubriva na

Farma muznih krava u KJP „PD Butmir“ d.o.o. Ilidža, nalazi se u naselju Doglodi, ulica Bojnička, općina Ilidža, Sarajevo na površini od 3,8 ha. Udaljenost predmetne farme od vodotoka rijeke Dobrinje je 1 km. Kapacitet farme je 1000 grla od čega je 480 krava u fazi laktacije i 120 krava u suhostaju ili fazi teljenja a ostatak je priplodni podmladak. Dnevno se proizvede cca 9000 litara mlijeka koje otkupljuje mljekara „Milkos d.o.o. Sarajevo i odvozi vlastitim cisternama.

Kompleks farme muznih krava čine cjeline i to: upravna zgrada, objekat za smještaj muznih krava (proizvodni pogon), telećarnik, porodilište, objekat za uzgoj junica za priplod sa nadstrešnicom i skladištem za sijeno, objekat sa cisteranama za mlijeko, ambulanta, skladište stočne hrane, silo trenč i sjenik, dubišna jama, osočara sa prelivom, pumpna stanica i bunar, pumpa za snabdijevanje vozila gorivom, saobraćajne i manipulativne površine i dr.

Farma muznih krava KJP „Poljoprivredno dobro Butmir“ d.o.o. Sarajevo – Ilidža snabdijeva se vodom:

- Iz gradskog vodovodnog sistema za potrebe vode za piće u upravnoj zgradi, a potrošnja vode se registrira jednim vodomjerom,
- Iz sopstvenog bunara, za potrebe cjelokupnog proizvodnog procesa, a potrošnja se registrira jednim vodomjerom.

Podnosilac zahtjeva je pribavio Rješenje o vodnoj dozvoli za korištenje vode i ispuštanje sanitarno-fekalnih voda od nadležnog organa.

Otpadne vode koje nastaju na lokaciji farme mogu se podijeliti na:

- tehnološke otpadne vode nastale u procesu čišćenja i održavanja štala i prostora oko štala, osoka iz štala, te otpadne vode nastale u procesu održavanja čistoće i higijene muzilica i objekta za prikupljanje mlijeka,
- sanitarno-fekalne otpadne vode nastale u objektu upravne zgrade,
- oborinske otpadne vode koje rastvaraju organsku materiju i stvaraju procjedne vode (silaža, đubrište).

Otpadne vode koje nastaju u procesu čišćenja i održavanja štala i prostora oko štala, osoka iz štala se prikupljaju odvojenim sistemom cjevovoda i kanala koje se sastaju u sabirnom šahtu i odlaze uskim otvorenim kanalom u novoizgrađeno postrojenje za prečišćavanje otpadnih voda. U ove vode se ulijevaju i procjedne vode iz silo trenča, te kruga farme, kao i oborinske vode sa manipulativnog platoa putem odvodnih kanala izgrađenih za odvodnju ovih voda. U postrojenju se vrši prečišćavanje otpadnih voda potom se prečišćena voda cjevovodom odvodi u gradski kanalizacioni sistem kojim upravlja KJKP „Vodovod i kanalizacija“ Sarajevo.

Sanitarno – fekalne vode iz sanitarnih čvorova se skupljaju zasebnim sistemom cjevovoda u upravnoj zgradi i ispuštaju u gradski kanalizacijski sistem.

Tehnološke otpadne vode nastaju u objektu za prikupljanje mlijeka, od pranja opreme i održavanja čistoće mljekare. Ove vode se trenutno bez tretmana ispuštaju u gradski kanalizacioni sistem kojim upravlja KJKP „Vodovod i kanalizacija“ Sarajevo.

Oborinske otpadne vode sa površina koje su izložene uticaju aktivnosti koje se vrše na farmi se uglavnom nagibom odvođe u kanale kojima se odvođe i otpadne vode koje nastaju u procesu čišćenja i održavanja štala i prostora oko štala koje rastvaraju organsku materiju i stvaraju procjedne vode te se tretiraju na postrojenju.

Kruti stajnjak se direktno odvozi na poljoprivredne površine.

Od podnosioca zahtjeva je u skladu sa članom 1, stav (1), (3), i (4) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) traženo da dostavi dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje tehnoloških otpadnih voda na obrascu iz Priloga A. ove uredbe, razrađen po godinama i mjesecima sa konačnim rokom realizacije najkasnije do roka 30.06.2026 godine.

Dana 13.03.2024. godine je dostavljen akt sa prilogom dinamičkog plana na obrascu iz Priloga A. Uredbe. U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda na lokaciji kompleksa KJP „Poljoprivredno dobro Butmir“ d.o.o. Ilidža, Sarajevo za 2024 i 2025 godinu. Aktivnosti i rokovi iz

Skladištenje hemikalija se vrši na propisan način bez mogućnosti dospijevanja istih u podzemne i površinske vode.

Vrši se zbrinjavanje opasnog otpada od strane ovlaštene firme prema sklopljenom ugovoru od strane „AIDA COMMERCE“ d.o.o. Sarajevo.

Godišnji izvještaj rezultata ispitivanja kvaliteta otpadnih voda za 2022. godinu sa lokacije kompleksa KJP „PD Butmir“ d.o.o. Ilidža urađen od strane Dvokut-pro“ d.o.o. Sarajevo, decembar 2022. godine, ukazuju da parametri kvaliteta otpadnih voda ne prelaze granične vrijednosti u prečišćenoj vodi definisane Uredbom o uslovima ispuštanja otpadnih voda u okoliš i sisteme javne kanalizacije.

Na osnovu tereta zagađenja otpadnih voda KJP „Poljoprivredno dobro Butmir“ d.o.o. Ilidža, Sarajevo iz farne muznih krava sa pratećim objektima, izgrađenih u naselju Doglodi, Ilidža, Sarajevo, urađenog od strane „Dvokut-pro“ d.o.o. Sarajevo, mart 2022. godine utvrđen je ukupni teret zagađenja ES-a je 3061,76.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, KJP „Poljoprivredno dobro Butmir“ d.o.o. Ilidža, Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.


Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- KJP „Poljoprivredno dobro Butmir“ d.o.o. Ilidža, Sarajevo, Bojnička 119, Ilidža
- AVP Sava, ISV-vodna knjiga
- Org.jed. 50
- △ Org.jed. 40-arhiva